



ҚАЗАҚСТАН РЕСПУБЛИКАСЫНЫҢ  
ҰЛТТЫҚ БАНКІ  
2007 жылғы 8 мамырдағы  
№ 19 БАСПАСӨЗ - Р Е Л И З І

Қаржы нарығындағы ахуал туралы

**1. Инфляция.** Қазақстан Республикасының статистика жөніндегі агенттігінің ресми деректері бойынша 2007 жылғы сәуірдегі инфляция 0,5% болды (2006 жылғы сәуірде – 0,5%). Азық-түлік тауарларының бағасы 0,7% төмендеді, азық-түлікке жатпайтын тауарлардың бағасы 0,5%, ақылы қызмет көрсету 0,2% қымбаттады.


Өткен айда азық-түлік тауарлары нарығындағы бағалардың айтарлықтай өсуі жеміс-көкөніс өнімдерінде және балық және теңіз өнімдерінде 1,8%-дан тіркелді. Сонымен қатар ет өнімдері 1,4% қымбаттады. Қант 4,4% арзандады.

Азық-түлікке жатпайтын тауарлар тобында киім мен аяқ киім 0,8% және тұрмыстық заттар 0,5% қымбаттады.

Халыққа ақылы қызмет көрсету құрылымында медициналық қызмет көрсету бағалары мен тарифтері 1,5% көтерілді. Тұрғын үй-коммуналдық қызмет көрсету бағалары өзгерген жоқ, бірақ бұл ретте тұрғын үйді ұстау бойынша қызмет көрсету 1,8%, тұрғын үй жалдау 1,5%, газбен қамтамасыз ету 0,5% қымбаттады. Бұл ретте электр энергиясы 1,6% арзандады.

*1-график*

**2006 и 2007 ж.ж. 4 айындағы инфляция және оның құрамдас бөліктері**



Жыл басынан бергі кезеңде инфляция 3,1% құрады (2006 жылдың тиісті кезеңінде - 3,7%), азық-түлік тауарлары 4,0% (5,1%), азық-түлікке жатпайтын тауарлар 1,5% (1,9%), ақылы қызмет көрсету 3,5% (3,3%) қымбаттады.


2007 жылғы сәуірде инфляция жылдық көрсетумен 7,7% болды (2-график).

Қазақстан Республикасының статистика жөніндегі агенттігінің ресми деректері бойынша Қазақстан кәсіпорындарының өнеркәсіп өнімі өндірістік сипаттағы қызмет көрсетулерді қоса алғанда 2007 жылғы сәуірде 6,2%, жыл басынан бері 1,4% қымбаттады. Сәуірде бағаның өсуі кен өндіру өнеркәсібінде 8,9%, өңдеуші өнеркәсіпте 2,8%, электр энергиясын, газды және суды бөлуде 0,3% болып тіркелді. Энергия ресурстарының

бағалары мен тарифтері тұтастай алғанда бір айда 8,4%, мұнай бағасы 10,6%, газ конденсатының бағасы 7,1%, табиғи газ бағасы 1,2%, көмір бағасы 0,7%, электр энергиясы 0,5% жоғары, ал мұнай өнімдері 1,6% болды.

2-график

### Инфляцияның жылдық деңгейі



Металлургия өнеркәсібінде 2007 жылғы сәуірде бағалардың көтерілуі қара металдар прокатына 16,1%, мыстың 12,4%, өңделмеген қорғасынның 10,6%, мырыштың 1,4%, бір мезгілде қымбат металда төмендеген кезде ферроқортпаның 0,7% және өңделмеген алюминийдің 3% қымбаттауында байқалды.

**2. Төлем балансы және сыртқы борыш.** Қазақстанның төлем балансына және халықаралық инвестициялық позициясына әсер ететін негізгі факторлар энергия тасымалдауыштар бағасының 2006 жылғы қаңтар - тамызда өсуі және банк секторының сыртқы қарыз алуының 2006 жылдың екінші жартыжылдығында өсу болды.

Республикаға келіп түскен валюта түсімдерінің негізгі көздерінің бірі болып табылған тауарлар экспорты 2006 жылы 38,8 млрд. АҚШ долларына жуық болды. Экспорттың өсуіне негізгі үлестің 2005 жылмен салыстырғанда 10,5 млрд. АҚШ долларына немесе 37% жуық өсуі баға факторымен қамтамасыз етілді, сол уақытта Қазақстан экспортының негізгі баптары бойынша нақты көлем шамалы өсті. Мәселен, экспорттың жалпы көлеміндегі үлесі 61% болатын мұнай мен газ конденсатының экспорты 2005 жылмен салыстырғанда 36%, оның ішінде бағалардың ұлғаюы есебінен 30% өсті. Ішкі сұраныстың ұлғаюымен ынталандырылатын тауарлар импорты да жоғары қарқынмен өсті – 2006 жылы тауарлар импорты төлем балансын жіктеу бойынша 24,1 млрд. АҚШ долларын құрады, бұл 2005 жылдың осындай көрсеткішінен 34,2%. Нәтижесінде сауда балансының оң сальдосы (таза тауарлар экспорты) 2005 жылғы 10,3 млрд. АҚШ долларындағы көрсеткішпен салыстырғанда 14,6 млрд. АҚШ долларынан асты.


Таза тауарлар экспортынан түскен кірістердің айтарлықтай өсуіне қарамастан, олар ағымдағы операциялар шотының қалған баптары бойынша қалыптасқан теріс дисбалансты өтеген жоқ. Мұнайгаз кен орындарының инфрақұрылымын игеру және дамыту жөніндегі жобаларды жүзеге асыруды жалғастыру халықаралық қызмет көрсету импортының одан әрі өсуіне себепші болды және нәтижесінде қызмет көрсету балансының теріс балансы 2005 жылғы 5,2 млрд. АҚШ долларынан 5,9 млрд. АҚШ долларына дейін ұлғайды.

Шикізат тауарлары экспортын негізінен шетелдік қатысуы бар кәсіпорындар жүзеге асырады, сондықтан экспорттық кірістердің өсуімен бірге шетелдік тікелей инвесторларға дивидендтер төлеу көлемі айтарлықтай ұлғайды. 2006 жылы шетелдік тікелей инвесторлардың кірістері 7,6 млрд. АҚШ долларынан асты, оның ішінде 5,7 млрд. АҚШ доллары – бұл төленген дивидендтер (2005 жылы тиісінше 4,6 және 3,6 млрд. АҚШ доллары). Тікелей инвестициялау операциялары бойынша төлемдермен қатар жеке сектордың сыртқы заемдарына қызмет көрсету үшін төлемдер сомасы күрт өсті және нәтижесінде кірістер балансы бойынша ресурстардың нетто-әкетілуі 2006 жылы 9,3 млрд. АҚШ долларынан асты, бұл 2005 жылғы осындай көрсеткіштен 3,6 млрд. АҚШ долларына немесе 64,9% көп.

Ресурстардың нетто-әкетілуінің ұлғаюы сондай-ақ «Ағымдағы трансферттер» бабы бойынша болды, бұған жеке тұлғалардың республикадан ақша аударымдарының көлемінің ұлғаюы себепші болды. Ағымдағы трансферттер балансының теріс сальдосы 1,2 млрд. АҚШ долларын құрады, бұл 2005 жылдың осындай көрсеткішінен үш есеге жуық көп. Нәтижесінде 2006 жылы ағымдағы операциялар шотының теріс сальдосы 2005 жылғы ағымдағы шоттың 1 млрд. АҚШ долларындағы тапшылығымен салыстырғанда 1,8 млрд. АҚШ долларын немесе ЖІӨ-ның 2,3% құрады (3-график).

3-график

### Ағымдағы операциялар шоты балансының құрамдас бөліктері




Шетелдік компаниялардың қатысуымен мұнай мен газ өндіру, тасымалдау және барлау саласындағы жобаларды жүзеге асыру шетелдік тікелей инвестициялардың (ШТИ) Қазақстанға ағынының жоғары деңгейінің сақталуын қамтамасыз етеді. 2006 жылдың қорытындысы бойынша тікелей инвестициялау операциялары бойынша қаржыландырудың нето-ағынының 6,6 млрд. АҚШ долларындағы тарихи жоғары көрсеткіші тіркелді.

2006 жылы банктер және республиканың ірі кәсіпорындары халықаралық капитал нарықтарында қарыз алудың көлемін айтарлықтай кеңітті – тікелей банктер, сол сияқты шетелдік арнайы құрылған еншілес компаниялардың делдалдығымен банктер және кәсіпорындар шығарған еурооблигациялардың эмиссиялары көлемінің бір жылғы сомасы шамамен 7,8 млрд. АҚШ доллары болды. Нәтижесінде 2006 жылы төлем балансында көрсетілген банктердің сыртқы борыштық міндеттемелерінің өсімі 18,2 млрд. АҚШ доллары (2005 жылы 7,6 млрд. долл.) болды. Жеке банктік емес сектор бойынша борыштық капиталдың нетто-ағыны, тікелей инвестициялау операцияларын қоспағанда,

бір жылда 3,3 млрд. АҚШ доллары болды. Республикаға шетелдік капиталдың келуі резидент еместердің мемлекеттік бағалы қағаздардың ішкі нарығына қатысуын кеңейту есебінен қамтамасыз етілді – 2006 жылы резидент еместердің осындай қағаздарды таза сатып алу сомасы шамамен 0,8 млрд. АҚШ доллары болды. (4-график).

4-график

### Қазақстандағы ШТИ ағыны және қорлары




Сыртқы қаржыландырудың елеулі көлемін тарту ішкі кредиттеу көлемін кеңейтуге, сол сияқты резиденттердің сыртқы активтерінің өсуіне себепші болды. 2006 жылы резиденттердің сыртқы активтері, тікелей инвестициялау операциялары бойынша активтердің өсуін қоса алғанда, 29,8 млрд. АҚШ долларына (2005 жылы 8,1 млрд. АҚШ долларына жуық) өсті. Ұлттық Банктің халықаралық резервтерінің, Қазақстан Республикасы Ұлттық қорының және банк секторының активтерінің ұлғаюы активтердің осы өсуіне негізгі салым болды. Активтердің өсуі капиталдың елге көлемді келуін ішінара өтеді және, қорытындысында, қаржы шоттарының операциялары бойынша (Ұлттық Банктің халықаралық резервтерін қоспағанда) ресурстардың нетто-ағыны 2005 жылғы 0,9 млрд. АҚШ долларымен салыстырғанда 15,3 млрд. АҚШ доллары болды.

Ұлттық Банктің халықаралық резервтері және Қазақстан Республикасы Ұлттық қорының қаражаты қосылатын елдің халықаралық резервтері жылдың аяғында 33,2 млрд. АҚШ долларынан асып кетті. Елдің сыртқы берешегінің өсу қарқынын ескере отырып, резервтерді жинақтау ықтимал сыртқы күйзелістерге қатынасы бойынша Қазақстанның позициясын нығайтуға қажетті жағдай болып табылады (5-график).


Қазақстан Республикасының жалпы сыртқы борышы 2006 жылдың аяғында 73,8 млрд. АҚШ долларымен (2005 жылдың аяғында 42,6 млрд. АҚШ доллары) бағаланды, ол ЖІӨ-ге қатнасы бойынша 95,6% болды. Республиканың банк секторының сыртқы міндеттемелері бір жылда 18 млрд. АҚШ долларына, ал жеке банктік емес сектордың борышы – 11,1 млрд. АҚШ долларына өсті, оның 6,1 млрд. АҚШ доллары фирмаларлық берешектің өсіміне тиесілі. Үкіметтің және Ұлттық Банктің сыртқы міндеттемелері, ең бастысы Ұлттық Банктің резидент еместердің қолдарындағы қысқа мерзімді ноталары көлемінің ұлғаюы салдарынан бір жылда дерлік 1 млрд. АҚШ доллары сомасына өсті.

## ҚРҰБ және Қазақстан Республикасы Ұлттық қорындағы АВА көлемі



Банк секторының ауқымды сыртқы қарыз алуы экономиканың секторлары бойынша сыртқы міндеттемелердің арақатынасының өзгеруіне себепші болды: банк секторы міндеттемелерінің жеке үлес салмағы, ол 2006 жылдың аяғында 33,3 млрд. АҚШ долларынан асып кетті, 2005 жылы 35%-дан 2006 жылы 45%-ға дейін өсті, ал фирмааралық берешектің үлесі (2006 жылдың аяғында 25,4 млрд. АҚШ доллары) 2005 жылы 44%-дан 2006 жылы 34,4%-ға дейін төмендеді. 2006 жылдың аяғында шамамен 2,9 млрд. АҚШ долларын құрайтын, Үкіметтің және Ұлттық Банктің міндеттемелері қосылатын мемлекеттік сыртқы борыштың үлесіне жалпы сыртқы борыштың жалпы көлемінен кемінде 3,9% тиесілі. Қазақстанның резиденттерінің борыштық міндеттемелерінің құрылымында қысқа мерзімді борыштың үлесі 2006 жылдың қорытындылары бойынша 2005 жылғы 18,6%-бен салыстырғанда 15,8% болды (6-график).

## Қазақстанның жалпы сыртқы борышы



Жалпы сыртқы борыштың өсуі және борышқа қызмет көрсетуге төлемдердің ұлғаюы сыртқы борыш құнының тауарлар және қызмет көрсету экспортынан кірістерге арақатынасының төмендеуіне себепші болды. 2006 жылдың аяғында жалпы сыртқы борыштың тауарлар және қызмет көрсету жылдық экспортына қатынасы 177,6% (2005 жылы 142,9%), ал жалпы сыртқы борышты өтеу және қызмет көрсету бойынша жиынтық төлемдер – 33,1% (2005 жылы 36,2%) болды.

2007 жылғы бірінші тоқсанның алдын ала қорытындылары төлем балансының ағымдағы операцияларының шоты бойынша тапшылықтың одан әрі кеңеюіне үрдістердің дамуын және елдің сыртқы берешегінің өсуінің жоғары қарқынын көрсетеді. 2007 жылғы бірінші тоқсанның алдын ала қорытындылары бойынша ағымдағы операциялардың балансы дерлік 0,3 млрд. АҚШ доллар тапшылығымен қалыптасты. Тауар экспортының өсуі кезінде, ол бірінші тоқсанда 10,2 млрд. АҚШ доллары (2006 жылғы бірінші тоқсанмен салыстырғанда өсу 36%) болды, бұл тапшылық ағымдағы шығыстардың, ең алдымен сыртқы борыштық міндеттемелерге барлық төлемдердің және тікелей инвесторларға кірістер төлеудің күрт өсуіне себепші болды.

**3. Ақша агрегаттары.** Ұлттық Банктің таза ішкі активтерінің азаюы (Қазақстан Республикасы Үкіметінің шоттарындағы ақшаның ұлғаюы) 2007 жылғы сәуірде ақша базасының 3,1%, 1534,4 млрд. теңгеге (жыл басынан бері – 2,2% кеңеюі) дейін тарылуына себепші болды.

Аз ақша базасы, яғни, ақша базасы екінші деңгейдегі банктердің Ұлттық Банктегі мерзімді депозиттерін қоспағанда, сәуірде 16,2%, 1481,4 млрд. теңгеге (жыл басынан бері – 8,2% кеңеюі) дейін кеңейді.

2007 жылғы наурызда ақша массасы банк жүйесінің ішкі активтерінің ұлғаюы (таза талаптардың Үкіметке, сол сияқты экономикаға өсуі) 3,7%-ға, 3935,7 млрд. теңгеге дейін ұлғайды. Жыл басынан бастап ақша массасы 7,0% өсті.

2007 жылғы наурызда айналыстағы қолма-қол ақша 6,3%, 652,1 млрд. теңгеге (жыл басынан бастап - өсімі 8,5%) дейін, ал банк жүйесіндегі депозиттер - 3,2%, 3283,5 млрд. теңгеге (жыл басынан бастап – 6,7%) ұлғайды. Айналыстағы қолма-қол ақшаның өсу қарқынының басым өсуі депозиттердің өсу қарқынымен салыстырғанда ақша массасының құрылымындағы депозиттердің үлесінің 83,8%-дан до 83,4% дейін елеусіз азаюына себепші болды.

Наурызда ақша базасының тарылу аясында ақша массасы көлемінің ұлғаюы ақша мультипликаторы мәнінің 2007 жылғы ақпандағы 2,39-дан наурыздағы 2,48 дейін ұлғаюына себепші болды.

**4. Валюта нарығы.** 2007 жылғы сәуірде теңге бағамының АҚШ долларына қатынасы бойынша өсу үрдісі байқалды.

Ай бойы теңгенің АҚШ долларына бағамы 1 доллар үшін 120,02–123,84 теңге диапазонында өзгерді. 2007 жылғы сәуірде теңге 3,0% (жыл басынан бастап – 5,4%) нығайды және сәуірдің аяғында теңгенің биржалық бағамы бір доллар үшін 120,10 теңге болды.

Сәуірде Қазақстанның Қор биржасындағы биржалық операциялардың көлемі қосымша сауда-саттыққа арналған мәмілелерді ескере отырып наурызбен салыстырғанда 17,3% ұлғайды және 5,3 млрд. АҚШ долл. (жыл басынан бастап – 20,2 млрд. долл.) болды. Биржадан тыс валюта нарығында операциялардың көлемі 29,0% ұлғайды және 14,8 млрд. АҚШ долл. (жыл басынан бастап – 45,7 млрд. долл.) болды.

**5. Мемлекеттік бағалы қағаздар нарығы.** 2007 жылғы сәуірде *Қаржы министрлігі* 9,6 млрд. теңге сомаға 8 жылдық МЕУЖКАМ-ды орналастырды. Орналастырылған бағалы қағаздар бойынша тиімді кірістілік 6,64% болды.


Бұл ретте мемлекеттік бағалы қағаздарды өтеу 2007 жылғы сәуірде пайыздық төлемдер бойынша ғана жүргізілді және 1,2 млрд. теңге болды. Нәтижесінде Қаржы министрлігінің бағалы қағаздарының көлемі сәуірдің аяғында өткен аймен салыстырғанда 2,5% ұлғайып, 393,2 млрд. теңге болды.

2007 жылғы сәуірде Ұлттық Банктің ноталарының эмиссиясының көлемі 2007 жылғы наурызбен салыстырғанда 2,2 есе, 389,3 млрд. теңгеге дейін төмендеді.

Қысқа мерзімді ноталардың кірістілігі наурызда 5,68%-дан бастап сәуірде 5,39%-ға дейін төмендеді. Бұл ретте «дұрыс» қисық кірістілік сақталады, онда айналыстың анағұрлым ұзақ мерзімдері бар ноталар анағұрлым жоғары кірістілікке ие (2-график).

2-график

**Ұлттық Банктің қысқа мерзімді ноталарының қисық кірістілігі**



Есептік кезеңде Ұлттық Банктің ноталарын сыйақы төлеуді қоса алғанда өтеу 439,0 млрд. теңгені құрады.

2007 жылғы сәуірдің аяғында айналыстағы ноталардың көлемі наурыз айымен салыстырғанда 5,8% азайып 789,3 млрд. теңге болды.

Сондай-ақ есептік кезеңде 2,0 млрд. теңге сомаға Қаржы министрлігінің бағалы қағаздарын сатып алу бойынша операциялар және 84,0 млрд. теңге сомаға кері репо операциялары жүргізілді. Қаржы министрлігінің бағалы қағаздарын сату бойынша операциялар және репо операциялары жүргізілмеді.

**6. Банкаралық ақша нарығы.** 2007 жылғы наурызда банкаралық ақша нарығында ұлттық және шетел валютасындағы өтімді қаражатты орналастыру бойынша банктердің белсенділігі байқалды.

2007 жылғы наурызда 2007 жылғы ақпанмен салыстырғанда орналастырылған банкаралық теңгедегі депозиттердің көлемі 66,5%-ға ұлғайып, 1452,0 млрд. теңгені құрады. Наурызда орналастырылған банкаралық теңгедегі депозиттер бойынша орташа алынған сыйақы ставкасы ақпанмен салыстырғанда 4,44%-дан 4,47%-ға дейін ұлғайды.

Ұлттық Банк наурызда екінші деңгейдегі банктерден тартқан депозиттердің көлемі ақпанмен салыстырғанда 50,1%-ға ұлғайып, 1107,6 млрд. теңгені құрады. Орналастырылған депозиттер бойынша орташа алынған сыйақы ставкасы қаңтармен салыстырғанда өзгерген жоқ және де 4,50%-ды құрады.

2007 жылғы наурызда валюталық қарызға алу банкаралық нарығында орналастырған доллардағы депозиттердің көлемі ақпанмен салыстырғанда 47,3%-ға ұлғайып, 21,7 млрд. АҚШ долларын құрады. Орналастырылған доллардағы депозиттер

бойынша орташа алынған сыйақы ставкасы наурызда 2007 жылғы ақпанмен салыстырғанда 5,36%-дан 5,34%-ға дейін төмендеді.

Банкаралық қарызға алудың қалған түрлері бойынша операциялар айтарлықтай емес көлемде жасалды.

**7. Депозит нарығы.** Резиденттердің 2007 жылғы наурызда банк жүйесіндегі депозиттерінің жалпы көлемі 2007 жылғы ақпанмен салыстырғанда 3,2%-ға (2006 жылғы желтоқсанмен салыстырғанда – 6,7%-ға) 3283,5 млрд. теңгеге дейін ұлғайды. Занды тұлғалардың депозиттері 0,6%-ға 2115,9 млрд. теңгеге дейін, жеке тұлғалардың депозиттері 8,4%-ға 1167,6 млрд. теңгеге дейін ұлғайды.

2007 жылғы наурызда ұлттық валютадағы депозиттер 4,1%-ға 2327,7 млрд. теңгеге дейін ұлғайды, шетел валютасындағы депозиттер 1,2%-ға 955,9 млрд. теңгеге дейін ұлғайды. Нәтижесінде, теңгедегі депозиттердің үлес салмағы 70,3%-дан бастап 70,9%-ға дейін ұлғайған.

Тұрғындардың (резидент еместерді есепке алғанда) банктердегі салымдары бір айда 8,3%-ға 1183,7 млрд. теңгеге дейін ұлғайған. 2007 жылғы наурызда тұрғындардың салымдарының құрылымында теңгедегі депозиттер 10,2%-ға 854,3 млрд. теңгеге дейін өскен, ал шетел валютасындағы депозиттер 3,5%-ға 329,4 млрд. теңгеге дейін ұлғайған. Нәтижесінде, теңгедегі депозиттердің үлес салмағы 70,9%-дан 72,2%-ға дейін ұлғайған.

Банктердің депозиттері бойынша ставкалар динамикасы мынадай өзгерістермен сипатталған. 2007 жылғы наурызда банктік емес занды тұлғалардың теңгедегі мерзімді депозиттері бойынша орташа алынған сыйақы ставкасы 4,0%-ды (2007 жылғы ақпанда – 4,7%), ал жеке тұлғалардың депозиттері бойынша – 10,6% (9,5%) құрады.

**8. Кредит нарығы.** Экономикада банктердің кредиттері бойынша негізгі борыштың жалпы көлемі 2007 жылғы наурызда 2007 жылғы ақпанмен салыстырғанда 4,9%-ға (жылдың басынан – 12,4%-ға) ұлғайып 5272,4 млрд. теңгені құрады.

Ұлттық валютадағы кредиттер бір айда 6,2%-ға ұлғайып 2749,3 млрд. теңгені құрады, ал шетел валютасындағы кредиттер 2523,1 млрд. теңгені құрап, 3,4%-ға ұлғайды. Нәтижесінде теңгедегі кредиттердің үлес салмағы 2007 жылғы ақпанмен салыстырғанда 51,5%-дан 52,1%-ға дейін көтерілген.

Ұзақ мерзімді кредиттер 4023,7 млрд. теңгені құрап, 6,8%-ға өскен, ал қысқа мерзімді кредиттер 1248,7 млрд. теңгені құрап, 0,8%-ға төмендеген. Қорытындысында ұзақ мерзімді кредиттердің үлес салмағы 75,0%-дан 76,3%-ға дейін ұлғайған.

Занды тұлғаларға наурыздағы кредиттер 3,7%-ға ұлғайып 3481,8 млрд. теңгені құрады, жеке тұлғаларға кредиттер 1790,6 млрд. теңгені құрап, 7,3%-ға ұлғайған. Қорытындысында жеке тұлғаларға кредиттерге үлес салмағы 33,2%-дан 34,0%-ға дейін көтерілген.

Банктердің шағын кәсіпкерлік субъектілеріне кредиттері наурызда ақпанмен салыстырғанда 1015,8 млрд. теңгені құрап, 9,5%-ға (жылдың басынан – 18,0%-ға) ұлғайған.

Салалық бөлуде экономиканың сауда (23,5%), құрылыс (14,6%), өнеркәсіп (10,1%) және ауыл шаруашылығы (4,6%) сияқты салалары анағұрлым белсенді түрде кредиттеледі.

2007 жылғы наурызда 2007 жылғы ақпанмен салыстырғанда жеке тұлғаларға ұлттық валютадағы кредиттер бойынша орташа алынған сыйақы ставкасы 18,5%-дан 17,5%-ға дейін төмендеген, ал занды тұлғалардың кредиттері бойынша 12,8%-дан 13,1%-ға дейін көтерілген.